

四庫全書

集部

欽定四庫全書

集部
文簡集卷十三

詳校官中書_臣葉元符

中書_臣劉源溥覆勘

總校官原任中允_臣王燕緒

校對官修撰_臣戴衢亨

謄錄監生_臣張鴻恕

欽定四庫全書

文簡集卷十二

明 孫承恩 撰

五言古詩

貞軒詩

世變既云下古道日澆漓
奔趨競成俗翁訛營其私
富貴苟可得寧計節義隳
鄙哉邪佞子婦女留鬚眉
吾觀貞軒翁挺拔人中奇
衡門養高潔食力聊自宜
立心羞

婀娜制行無傾歌安貧靡卑屈樂道無憂疑朝彈猗蘭
操夕歌考槃詩不求兒童憐只許天公知譬如百尺松
不作妖妍姿又如百煉金不作繞指隨夷齊空山守采
薇可充饑誰言原憲貧商歌自怡怡斯人雖云遠逸駕
非難追願翁保令德終始期無虧

古意

美人生南國絕世多妍姿窈窕如遊龍青楊宛娥眉與
我結綢繆恩愛兩不疑青蠅一朝集白璧生瑕疵恩情

中斷絕棄我忽若遺
盈盈對面間邈如天之涯
感今復念昔使我長嗟咨

展謁孟廟

稽首孟夫子萬古道學宗
七篇沂源流乃與洙泗通
義利王伯辨日星麗蒼穹
拳拳救世心績視禹稷同
早年事伊唔童子咕嗶功
及茲詠聖涯鑽研愈無窮
茲晨出祠下瞻謁展敬恭
巍巍泰山尊恍若親德容
道術喪千載異論方訥訥
無由起夫子為我摧其鋒
天理有至正

吾道惟大中叩公公不言涕淚沾心胸

和題擊甕圖

我思賢哲人不與尋常有方其髫髻日事業先可占溫
公當年事誰把丹青傳偉哉擊甕時仁智亦兩全公昔
相元祐忠義稱名賢誰知及物功已見成童年人心妙
不測運用合機權試看此兒嬉伊誰教能然古今一俯
仰人物成灰烟我心良悠悠浩嘆秋風前

奉題涯翁集句錄後

郡伯內江喻先生得涯翁集句錄二卷將鏤
之梓寄予校正訛誤既已畧訂數字偶得鄙
句僭附卷末

我思李夫子篇章蓋其餘平生製作外攬古為嬉娛藉
之發吾真陶寫亦自如浩穰諸名家精采畢獻輸譬之
大盈府充牣隨所須木難兼火齊瑤瑛與瓊琚蒐羅盡
瑰珍見者心神舒元戎統六師揮斥熊與羆蕭韶八音
備琴瑟諧笙竽組織敎天巧劑量極錙銖渾無斧鑿痕

若以一氣噓翁才實兼人不受繩墨拘驅役混古今約束誰能逾大行與王屋移易來庭除天吳及紫鳳裁割衣與裾若和五鼎味若貫八寶珠江淮河濟漢異派而同趨隔世覲顏面一席相唯俞富哉方寸中載此萬卷書再思半山老高名照寰區繼作有文山耿耿忠義俱今人即古人三賢固無殊坡翁真戲劇其論亦甚迂見公定俯首愧悔稱起予君侯重文事愛此輕璫璵授予欲何為秉筆校魯魚淺薄諒非任茲意不可虛但恐襲

金根有識同揶揄

秋懷和答友人戴師觀五首

清宵不能寐起坐發哀吟
明月照高樓浮雲起層陰
百年宇宙內慷慨憂思深
所思亦何似世故萬感侵
四時更代謝光景易銷沉
丈夫志事業念此那能禁
美人隔秋水傾想遺嘉音
報酬媿無侶擬托雙南金

其二

月明姜被寒掩映成獨宿
天涯若飄泊念我親骨肉
春

風吹荆花負此正芬郁
慈闈奉晨昏不得共粟菽憂來
浩無端清淚動盈掬
蕭條鵲鵲詩展卷不忍讀
嗣音久疎曠引睇佇
雙足明發當有至
燈花結新綠

其三

美人生南國麗質耀目明
與我結綢繆執手瞻三星並
綰同心結雙吹紫鸞笙
中道忽睽違迢遞京國行
繆通金閨籍欲去羈功名
空齋耿思憶我豈如長卿
遙遙天涯夢落月屋梁
停媿無綰地街黯然傷我情

其四

楊朱泣歧路墨翟悲素絲習染當自擇去適慎所之流
光俯仰中昨者非今時請看桃李花倏忽成空枝努力
崇令德研精寄幽詞少壯一無能老大徒嗟咨仙人不
可學漫託餐玄滋落日不返照逝水無回期古人賤尺
璧此語當三思

其五

肅肅風振葉冥冥雨翻盆
羈人悄無事兀坐掩重門
朱

炎何有哉暫得免蒸燂澄神任偃仰澹默靈臺敞簡冊
有真趣几席無囂煩興來發嘉句亦復開清樽落魄澆
愁腸經營役吟魂須臾華月上耿耿依黃昏疑疑庭下
樹小結濃雲屯放情六合外飄飄凌紫氛

讀秋水篇

茲辰適在告幽齋有餘閒端居淡無慮俛默神自全時
抽架上書得閱秋水篇達生寄深旨乍覽意不宣疏觀
大化中物物各自便小大無等差秋毫眇坤乾逍遙通

大道冥思入幽玄
泛泛涉滄溟浩浩無津埏
我今亦忘吾會意應無言行
雲遙高楹好風入疎簾
倦來復拋書支頤任頽然
豈不畏疎散局促尤自賢

寓感四首

白日在天上明兩以作離
人君發天德普照亦如之
浮雲纖末生條見昏陰滋
玄象有混闢懷歌盛明時

其二

牛性不司夜犬力不任耕
鉛難鑄作劍杙豈勝為楹致

用苟越分懷羞堪拊膺驅駕駕遠道縱葦濟滄瀛所憂
在顛溺旦夕為怔怔奈何相逢者猶懷欣羨情

其三

人生宇宙內苦被日月驅賢豪凜英聲際時步亨衢談
笑生風雲咳唾落明珠餘光照海宇惠澤沾寰區有如
縱壑鯨豈比涸轍魚朝侍未央殿夜宿承明廬煌煌炳
勲業瑣瑣誰能如

其四

楚趙昔從約，糾力抗秦師。
遴選才智士，便給如風飛。
毛生本無聞，翩然請囊錫。
鄙哉平原君，胡乃昧先知。
從行亦碌碌，側目空睢盱。
侃侃數語間，兩國定深期。
從來豪傑士，未遇識者誰。

賜扇

天門啟閭闔，百辟依彤墀。
中官出傳宣，賜簞無尊卑。
元臣帝股肱，受此乃其宜。
顧臣亦何人，得荷乾坤慈。
炎蒸方在候，効用真及時。
雖非金玉貴，為用良珍奇。
金星點

素質落落明珠璣於昭古先訓入眼光陸離臣非諸葛
侯白羽揮軍師亦非晉謝安仁風慰羣黎惟堪坐玉署
斂衽哦書詩爾時一披揮習習來涼颼格言荷聖教佩
服真臣師致身明時用得此良艱希天恩誠浩蕩報答
容臣私常聞古忠良因事納箴規臣亦有悃誠上告天
王知惟昔有虞氏聰德無偏遺製茲曰五明睿知勤疇
咨亦有周武氏仁恩遍敷施道逢暘死者手執此自揮
惟茲二聖人懋治誠孜孜以茲虞周世萬載歌無為吾

皇睿作聖秉德恒謙撫願惟時風若今古同雍熙

冬月同諸友遊永樂寺飲旺公房分韻得野字

蕭條冱寒候浩蕩風振野吾人亦好事乘興來蘭若意
豈在行樂欲識棲禪者上人本空寂風度亦蕭洒慧朗
鑑在懸論辨長河瀉為陳西來意超悟愧吾寡未能三

乘通誤謂四大假冉冉妙香度翩翩花雨下

坐久微雪忽忽

具盤飧灑灑酒盈筭綢繆師意勤感媿我顏赭抗別復
須臾題詩信聊且

送張侍御巡鹽淮南

張君西江英秀色出天表名聲凜臺端玉立真皎皎浩
蕩四方志溟渤一杯小淮壩有新命冥鴻羨輕矯斥鹵
窮東南國計豈毫杪歲久法滋玩流弊劇瀾倒傷哉醯
丁艱軫念心悄悄流移骨髓枯存者顏色槁貪墨誅求
遍豪滑侵漁巧以茲弊百出未易一一了君誠濟時才
柄用苦不早通融有長策至理在探討冰霜肅奸宄陽
春輯流殍恩威兩得所夙靈期一掃秋風吹蕭蕭旭日

照杲杲贈言不及他持此永為好

送張之訓

長風起天末遊子念高堂高堂不可見累疏陳明光曰
臣有老母孀居凜秋霜一別十載餘甘旨不得將區區
烏鳥情一念慘衷腸皇心悅其孝允子還故鄉錫以金
泥書雲漢昭天章稽首叩帝闈長揖別友生歸興逸難
遏心與雲飛翔春日方皞皞春風亦揚揚行哉莫遲遲
白頭正相望

題張陽峯太史卷

喈喈復喈喈集我簷前鳴嚴翁且至止榮戟臨門庭兩
年隔天涯瞻雲每惓惓今朝拜膝下高堂溢歡聲翁既
載欣慰有子沐恩榮昔著青衫別今來錦衣迎兒亦載
欣止承顏慰私情昔別固康強今來倍精明子歸亦忻
忻中庖出珍烹僮僕亦忻忻趨蹌奉杯觥孫枝復榮秀
蘭芽覩寧馨怡怡子父歡天倫樂難名相過日無虛雜
還皆朝英陳樽與列俎擊鼓還吹笙人事苦難齊此樂

勘得并因茲感余懷涕淚沾冠纓

苦熱

今日不可出畏景蒸炎燭崔巍火雲行勢欲焚層霄乾
坤一爐冶天地同煎熬初疑河海竭又訝山岳焦生人
蟻虱然衆口均嗷嗷而我坐斗室局促增煩勞對案不
能食尚暇筆硯操馮陵發大叫欲去不可逃安得呼風
姨捲地驅長飈徒懷杜陵句赤脚凌瓊瑤煩紆漫自苦
澄凝覺逍遙造化生萬物意匪殃吾曹輕策聊自揮

漸喜風蕭蕭
俯仰神內融
散適形俱超
我熱良可舒
感事增鬱陶
忽憶山之東
寇盜方騷然
六月師卓午
腰弓橐濟時
愧無術撫已
徒忉忉

送張君分教華亭詩

江右張君積學久
屈今年以貢得分教華亭
余固華亭人也
於凡吏吾土者得一良輒喜
之矧得明師如張君者
為喜不尤至歟
小詩非賀君實為吾鄉賀也

良金須陶冶美玉藉雕琢二用苟弗良不若鑛與璞張
君西江彥賦性甚溫朴讀書三十年雄劍斂霜鏑竭來貢
明廷奉檄專教鐸行食松江鱸去聽華亭鶴吾邦號多
士濟濟見聲卓君行諒無忒於道乃先覺皋比仰師模
披襟分唯諾閭閻講唐虞肅肅陳禮樂案牘無俗勞衣
冠有真樂雖乏官資崇得免名號濁公相豈不貴賦命
有厚薄勢分何足言食祿要無忤方今崇文教君去勿
落莫明秋期奏功得士當倍作

觀弈

空堂手談誰剥啄驚戶外袖手余亦閒看此兩敵對勢
多楚漢強地割鴻溝界斂拓互闔闢錯綜明向背攻圍
盛行陣隱伏妙機械竒出風雨交冥搜鬼神會爭雄不
相能奪雋詎容貸時移方一畧妙處得三昧彼云聊優
游我謂無勝敗呼君太狂顙顏子真隘一挫未應餒
收局還可再茲藝未足賢徒食聖所戒

送同年馬進之弟省兄歸

別淚弗可忍離愁浩難祛行行送將歸執袂久躊躇我
昔同元方瓊林曳華裾元方凜臺端名聲等璫璵子來
專省候千里命輶車西堂動詩興天倫足懽娛念舊亦
過我荷子意勤渠英英玉堂質快覩珊瑚珠玄雲忽相
渝萍蓬邈難居回首瞻故鄉歸葺先人廬風雪豈不慘
欲發不須臾我心良鬱陶元方定何如天有赤羽鴈水
有紅尾魚明年二三月望子平安書

聞玉河水聲有作

獨騎款段出落日背高城行行過玉堤忽聽潺潺聲會
心豈必遠一笑兒童驚坐我瀑布傍冷然洗中腸長安
盛車馬輪蹄日轟轟向來通市中無此祛俗清利名世
所競獨茲人不爭會當即堤邊卑棲結吾楹飽聽日無
厭不使塵囂生

吳北川許海味不至訊以詩

我本東海人旅食越兩載緬懷故鄉味厭說天庖宰故
人吳季子殷勤許分符腆意未拜嘉初約忽中改得非

多遺忘無乃甚欺給笑予太早計停筇想風采小詩當
催逋還勝百錢買會當入吾飡腹中有東海

東園八詠

讀書堂

虛堂亦幽幽藏修任昏昨研精典籍間俛仰見前古君
家有書香努力期接武不似東隣翁唯堪貯歌舞

叢桂庭

中庭何所有丹桂儼成行朝露浥華滋秋風吹古香名

門擅今昔毓秀非尋常會多青雲侶遠紹燕山芳

吸月亭

獨酌明月下流光正徘徊長歌邀明月落我樽中醅
掀髯和月倒一吸空樽壘謫僊如可作此地應追陪

悠然亭

幽興渺無極攝衣陟層臺天空飛鳥沒萬里長風來
南山自嵯峨遠覽心神開懷哉彭澤翁難與俗子諧

聯碧池

甃池自成趣左右拱吾亭西池水初滿東池泉又生浮
光碧練淨倒影青天澄時來鳬鷗侶欲共幽人盟

玉虹軒

一泓湛寒碧源脉自中泠紆徐蜿蜒然汨汨繞前楹凭
軒聊徙倚可以濯塵纓浩歌滄浪吟千古有餘情

翠雲屏

小結作屏幃翠色日蔥蒨宛宛如雲屯亭亭當戶見常
凌風雨交不逐朝暮變深秋搖落時猶可勝一面

雪香林

吾聞東園勝乃侶羅浮村
英英姑射收寂寞回春溫
千枝綴晴雪萬蕊迎朝暾
徘徊自索笑欲起逋仙魂

秋日雜詠

詠山居

山深秋意早地僻人跡闕
落葉滿庭戶涼氣襲巾舄
泉流雨澗深徑轉風磴逼
野鹿時或過山鳥鳴更寂
岩壑浮晴嵐几席映佳色
拄頰哦霜晨持杯吟月夕

詠溪居

卜築枕流溪秋水清渠渠可濯亦可漱可烹兼可漁菰
蒲日與鄰鳬鷗日與居驚風吹薜蘿疎雨洒庭除灘聲
入座涼野色納窓虛長歌考槃吟頽仰心自舒

詠村居

幽居自村落僻遠無市喧禾黍依夕照桑麻宿輕烟深
蒼荷鋤歸兒女迎門前雞豚入栖柵牛羊下郊原鄰父
有好懷時來話田園食力寡心累濁酒供年年

詠城居

薨連復井絡犬吠雜鷄鳴
西風簾幙靜返照樓臺明
授衣及新涼家家動清砧
垂帘酒肆列入市魚舟腥
田翁售新穀野老販溪菱
人歸闌闌空昏鴉噪埤城

詠京城

都城列萬雉宮殿切五雲
清霜鳴曉角祥光擁朝曦
周羅民庶居窈窕王侯門
重譯萬方貢垂衣一人尊
亨衢連廣陌馳驟復驚輪
稽首莫治功萬載歌洪勲

詠禁省

月臨仙人掌風生承露盤曙色尚熹微秋色凜高寒千
門俱洞開六龍駕輿鸞陸戰用虎旅鉤陳列鵷班簫韶
奏雍雍劍珮鳴珊珊惟應多瑞氣日繞蓬萊山

詠郊野

落日下平蕪遠水涵晴空西風正搖落滄靄何冥濛千
山生夕陰一望遠近同草色迎霜白楓林借春紅平坡
散歸羊雲外號征鴻依依野人村處處聞高舂

詠田家

白露被西疇，穠稌行可稽。
秋來喜多晴，塲圃除殖殖。
鉅各為操任，負翁媪懌。
兒童拾穉穗，鷄母啄狼粒。
共言歲事豐，租稅期早畢。
不有三時勞，何能一時逸。

詠漁家

生涯惟網罟，結廬雲水鄉。
舟橫斷岸淺，門對清溪涼。
潮引滄波遠，風吹白蘋香。
中流朝鼓楫，芳洲晚鳴榔。
煙凝林樾暝，鳥沒青天長。
倦來卧篷底，一曲歌滄浪。

詠酒家

柳橋橫翠檻竹籬出青旗清樽浮綠蟻香羹薦銀絲經
霜橘初熟輸芒蟹新肥歡迎滌器傭嫵媚當壚姬騷翁
解遺囊豪客駐金羈高陽有餘興風月剩堪題

詠妓館

青樓映朱箔深院連曲房清颼滌殘暑白苧生微涼銀
箏御瑤席寶鼎煨沉香芙蓉紅隱褥芭蕉綠上窓五陵
屢經過千金賦高唐冉冉粉香叢長年樂未央

詠富家

榮華擅京洛甲第連朱甍
院宇生微涼為樂方稱情
新裁朱履潔乍試羅衣輕
華堂日張宴飛蓋相追迎
吳兒與越女彈絲復吹笙
酒酣歸洞房含笑擁傾城

詠貧家

陋巷少人跡依依長蓬蒿
秋氣月淒凜四壁何蕭蕭
絳絡不掩脰饔飧但簞瓢
御寒既尠具卒歲亦無聊
荆妻厭藜藿稚子慣山樵
無端昨夕風捲我屋簷茅

詠旅舍

飄蕭墜寒葉寂寞虛堂秋
遊子久行役索居寡良傳
明燈照空壁啼螢動羈愁
情悵念悄悄川原邈悠悠
中夜起彷徨仰視河漢流
萍蓬偶棲泊太息未能休

詠書齋

幽齋極蕭爽清秋無垢氛
捲幔落遊絲辟蠹羅香芸
瑟清調流水硯冷生微雲
拳石結新綠古鼎留餘薰
縹囊既零亂牙籤亦繽紛
及時宜進修兀兀窮朝曛

詠閨思

清颼吹蕙帳明月照蘭房中宵念行役掩抑獨淒涼微
寒生薄衾思奉君子裳天涯渺阻修何由越川梁昔如
鸞與鳳今如參與商默默向誰訴悄悄徒自傷

詠故宮

西風吹黍離疎雨濕殘礎空梁長見日顏垣間餘堵石
馬繫青蘿銅駝沒黃土花容猶宮妝柳眼尚媚嫵繁華
等風烟形勝消龍虎惟有舊時月照人自今古

詠廢宅

人事已非昔遺居猶至今蕭條白晝靜寂寞黃昏陰老
樹集昏鴉敗砌寒蛩吟階空蚯蚓出壁古苔蘚侵乾坤
多變易頽仰易銷沉更無故主居獨有閑人臨

詠佛寺

秋氣日已佳況此紺宇寂古松蔭佛殿幽花照禪席谷
虛哭山鬼林暝啼木客風來語梵鈴雨至洒石壁長廊
獨徘徊蘿徑自捫厯時聞孤磬聲雲深杳難即

詠道院

新秋入琳館物意何蕭森
露滴丹竈冷雲護芝房深
棋聲間竹院簫韶出風林
千門鎖虛寂石壇晝陰陰
苔花繡古篆鶴唳流孤音
清虛絕塵俗悠然生道心

詠古廟

古廟知何代蕭蕭秋日荒
丹青既剝落香火亦淒涼
怪鳥號深林饑鼠竄空梁
殘碑土花蝕蔓草過人長
蛛絲網破牖蝸牛上頽墻
神理有消歇人事焉足傷

詠荒塚

狐兔竄古穴荆榛長荒丘西風吹白楊疎雨洒松楸
樵夫朝出歌牧兒暮來遊宰木給斧斤芻蕘飽羊牛
寂寞掩泉臺千古魂幽幽更無祭掃人空餘斷碑留

詠邊塞

窮邊秋氣早六月飛霜華胡兒弓力强馬蹄蹴風沙黃
雲連白草極目天無涯孤城控險阨令嚴寂不譁淒風
傳畫角落日悲鳴笳征人於此際誰不動思家

題畫蘭棘

美人羞自獻空谷抱幽貞
脩然絕塵俗誰結歲寒盟
荆棘不茂暎焉昧平生徘徊日將晚慨矣思靈均

梅庄詩

幽懷厭塵俗芟蕪闢新庄
庄居何所有寒梅有孤芳
乾坤搖落時見此姑射妝
英英綴瓊珮燦燦明珠裳
紛紛掛涼月隆隆映朝陽
豈無桃與李俗惡非所臧
蘭蕙豈不好弱質易摧傷
何如此花魁勁節飄寒香
主人冰玉

姿對此形神忘亦有山中侶時來共徜徉既讀廣平賦
亦詠逋仙章未言調鼎鼐且共嘗冰霜

文簡集卷十二

欽定四庫全書

文簡集卷十三

明 孫承恩 撰

五言古詩

夜聞鄰兒讀書

東鄰誰氏子讀書夜無眠
風吹呶唔聲落我床頭前
我聞不復寐俯仰心茫然
憶昔髫髻時早能讀陳篇
嬉戲不自力流光若奔川
及茲未聞道老大徒悄悄
儒冠亦

何有虛生亦堪憐
誓言今其始
黽勉心乾乾
鑿井苟弗已
終見清冷泉

雨中過顏東郊

陰霾幕四野
密雨紛如絲
扁舟何所適
野人有深期
我興良自佳
僕夫苦淋漓
壺觴雜飮餽
草草隨所攜
同行二三子
聊與斟酌之
樂事苦不全
夙言每乖睽
有懷渺難招
悵然起遐思

朱方齋吳春洲有約不至

扁舟蕩雙楫
溪澗穿窈窕
雨行良不惡
況得所歷妙
依

依墟里烟落落展遐眺冥濛雲樹昏荏苒風竹掉高桑
布穀鳴遠渚鸛鶴叫時惟農事急蓑笠逮翁媪小橋曲
通村竹所期遙造不似山陰翁匆匆遽回棹

又

草堂極瀟灑水竹多幽深主人有好懷展席俯清吟時
花弄芳姿好鳥轉佳音薰風泛叢蘭飄飄滌煩襟二子
雙玉立勸我酒重斟適意豈在酒我病况靡任人生合
并難晤語愜素心數觴已陶然一笑忘古今

又

密雨漸細微流雲散清霽斜陽漏微明返照在水溼晚
晴人意佳起步行繞砌話言雜桑麻朴野有真意我性
本丘壑早已厭塵事瀧岡有宅兆桑梓情所係何當乞
身歸與子結鄰契

又

千林曠色起日落西山坳牛羊時下來歸鴉戀其巢興
盡復言旋短棹風飄飄犬吠叢薄間漁火明江郊星月

澹微茫煜然吐林梢喧喧市聲近擾擾物役勞我生本
無期一笑樂亦聊但能無拘牽何地非逍遙

獨酌

春風散和燠霧斂天日晴楊翹吐華滋萬彙爭熙明幽
居寡相接而況塵俗櫻興來命壺觴獨向簷前傾好花
當姬侍鳥韻笛與箏悠然自滿引浩笑春冥冥美人渺
難期俗物吁可憎小山差強意獨立當前橫舉杯一勸
之與子兩忘形山靈不解飲傲睨終古醒我酌還自酬

直欲空瓶罌頽然徑醉卧雲月為枕屏

餉農過壠上

赤日正暉赫朝露暄以乾念我田中人胼胝多辛艱披
衣過壠上不憚觸熱難腥風蕩炎氛草木俱焦顏呼兒
傾筐簞有酒兼有餐田父知我意感謝多欣歡我今乃
田畯自笑更自嘆無田均憐翁力薄非汝慳佇立獨移
時呼兒與俱還豈曰此為勤吾意差少安

題松月卷

幽齋淡清夜長空斂浮烟素娥從何來宛宛落我前
翁矯而立顧影如矜妍相看本無期忘形更忘言為招
山中相再酌騎鯨仙悠然對終夕不知清漏傳

示子效玉川子

書齋坐清晝昧昧心弗怡阿松忽前來出扇乞我詩阿
松性沉嘿頗不喜施為我疑乃質魯但識粟與梨今朝
忽好事我喜為解頤呼兒更來前聽我好言詞汝今十
四歲非復髫髻兒讀書吾家事誨汝良孜孜讀書添智

慧讀書破愚痴讀書為賢良讀書佩朝裾汝前當七齡
頭角頗岐嶷何更七年來碌碌但如斯豈汝誠質魯變
化猶有期抑汝故懶惰懶惰無由醫人生要樹立詩書
乃鎡基利達且莫言賦命固不齊但觀不學人何別隸
與廝學庸及語孟精義要深惟尚書最難讀功當百倍
之考事貫今古摘文炳珠璣今雖未能然為學當視茲
似汝恁陋劣萬難異毫釐吾又念世德承傳汝當思吾
宗百年來詩禮人共推穆穆抑齋老黌宮擁皋比汝祖

雪岑公清名絕瑕疵我雖勉繼述淺薄恒忸怩汝若不
自立自汝隳門楣汝觀東隣氏綽楔高巍巍有子不嗜
學破敗共笑嗤又觀西隣翁起家自茅茨有子立青雲
里閨騰光輝人生無愚智共識好與娘東西兩家子問
汝當何居光陰不我待日月相奔馳汝勿恃年小一去
難再追不信觀汝翁尚記髮垂垂轉眼亦幾何清霜點
烏髭少時不自力及此徒傷悲我家世清白囊橐無餘
貲幸存薄田畝猶可供粥糜亦有書滿架古訓光陸離

役使有童奴免使執爨炊古人貧亦學勞苦身無資我
今雖淡薄不令汝寒饑汝若更不學此咎當責誰只今
當長夏俗事無牽縻願汝務學業毋徒習遨嬉切磋同
阿哥和鳴協埙篪莫似汝父懶失學悔後時願汝崇明
德忠信以自治入則孝爺孃出則敬友師莫似汝父癖
愆尤日潛滋莫起侈泰念淡薄守家規莫習輕薄態執
禮須謙卑但觀世上人浮侈終自隳我今已四十精力
會有衰汝年漸長大將以門戶遺男兒貴自強奮發不

可遲爺孃雖汝憐豈得長提携世事不可料前程杳難
窺賢不肖係人造物無容私驥子始墮地骨相超等夷
駑駘亦自別寧候異日知如今亦稍稍我竊為汝疑再
看汝一齡便可分雄雌恩義不相掩舐犢非為慈汝不
用吾言吾將汝鞭笞告汝出苦語拊心轉獻欵勉哉不
可忘一一鐫肝脾

示姪

別壺莫別深愛木木反戕責子莫責深愛子成乖張阿

桂吾猶子天資頗馴良况復汝年歲當亦知臭香我心
良念汝骨肉情故長誨汝刻骨言汝毋視尋常今已年
十七已列大人行顧汝猶童兒立志殊未當昔我京師
歸汝肩始齊牀忽忽七年過今已似我長我目多閱人
英俊如雲翔弱冠富文學下筆鏗琳瑯汝負讀書名滅
裂無一強汝腹自空虛汝貌徒昂藏我每憶汝父九原
杳茫茫死者不可作感我涕淚滂食桃棄其核有子委
路旁骨肉天性真有子焉得忘昔汝父早歲多才能文

章亦復敦行誼有志馳四方恨哉賦命薄未立輒已僵
天道久必復或欲於爾償我今誠念汝念汝須扶將有
言不汝告如瞽行偃偃戒汝莫嗜酒嗜酒志意荒戒汝
莫遊俠敗家之斧斨莫羨不義富金玉積滿箱爾目不
知書馬牛而冠裳莫羨不義貴炙手猶沸湯爾能富德
業金紫來煌煌阿桂聽我言汝意得無傷汝今已解事
諒我無別腸古聞幾卿義我視猶慙惶王基意則厚吾
不為汝望但願汝卓立門戶得汝光汝若不自強伶俜

辱爺娘子賢子不肖嘉穀與莠稂為穀與為莠在汝自
較量人生亦多事門戶要助勸我今漸潦倒期汝早激
昂我意良飭縷筆舌難盡詳知汝省念無拊心但茫茫

題畫草

春風一披拂萬彙呈華滋寸草萌枯荻各復爭芳菲大
哉天地仁發育無偏私黃鍾鼓索籥一元運其幾誰與
為此圖毫端吐春熙高者搖華風下者揚芳蕤么麼彼
何者薨薨亦翾飛分明太極意未許夫人知

雨後步園中

滂沱鳴中宵清朝散微旭黑雲變而霽雨意猶未足小
園偶信步襟抱豁煩煥濯我畦中蔬薺薺淨如沐平原
獨鶴下淺渚羣鳬浴天風動疎篁鏗戛萬綠玉端居覽
衆妙幽賞愜心目孤吟無與酬長嘯振林木

觀園丁除草

中國種嘉蔬地瘠蔬葉稀蔓草雜其間復爾纏綿之六
月盛炎暑亭午張赫曦園工力芟鋤根株俾無遺造化

普發育雨露無偏私去惡佑善良人事理則宜蘭蕙生
當門斬刈不得辭矧爾惡類繁不去將何為

督園丁種蔬

懶拙寡生事興在田園中學圃非為痴我與樊子同種
藝宜及時刻鑄藉爾傭王政著月令在汝敢弗供肉食
豈可常淡薄儒家風何曾費萬錢自以遺厥畝小園無
寬畦連延亦橫縱冀爾發育茂日食倘可充

紀鳥

小園遠塵市水竹頗幽深上有枝柯稠下有灌莽深有
鳥名不識結巢在其陰日夕勤哺雛啁哳多清音吾意
憐此鳥不異籠中珍不敢語人知懼有兒童侵野狸孰
告汝竊伏伺無人睢盱欲攀緣探巢恣噬吞幸我適見
之惻然為驚奔急為驅之去愛護意彌勤黃口亦易長
旬日毛羽新隨母共上下喧呼各欣欣好生物我同並
育天地仁及物豈吾力聊以慰此心

中庭植小花數種戲述

中庭小作砌種植紛羣葩園丁昔好事移自西隣家
水勤灌溉張席亦周遮經時土流膏條已抽萌芽逮茲
花葉稠紅白爛交加雖無姚魏富幽艷亦可嘉豪門事
珍玩田家重桑麻戲劇吾亦誣聊為兒童誇

與友人草堂小酌

閑居寡晤語二妙喜過從倒屣竹徑間焚香草堂中呼
兒具鷄黍杯盤媿匆匆所貴意味真豈在品物豐雲陰
暑氣微左右動涼風但恐日夕至不計樽壘空話言及

出處惜我性乖慵人生貴自適顓蒙詎能同酒酣起縱
步銀蟾已生東長揖送二妙矯首冥飛鴻

觀羣兒捕魚

秋來久無雨溪小落欲乾茸茸聚衆魚煦沫猶自歡羣
兒競賽裳不暇具綸竿舉手如拾塊相矜共誼謹脫者
能幾何鱗鬣半摧殘白小莫比數汨沒泥水間老夫濠
梁興悠然每凭欄戒兒勿盡取致爾口腹饒生平耳目
隘境外江湖寬安得徒汝楫相忘渺濤瀾

送鍾君陞廣東僉事

送君秋色裡歌我春雲篇春雲亦何為變化玄黃間昔
君署秋曹商律行秋權秋雲自蕭森摘伏摧神奸今君
被寵命名藩職旬宣春雲乃油油着物盡成妍為霖澤
枯株焦槁多生顏悠揚本無心舒卷道自全從龍會非
遙覆冒連八埏輪囷復氤氲作瑞歌豐年

使交發雲間

赫赫奉王命迢遞絕域行茲當別故國促裝戒晨征時

維八月秋雲物肅以清舟人理桂楫天風引長旌大夫
四方志意氣衝冠纓腰間雙鏌干虹霓吐晶熒姻戚羅
祖餞亦復勤友生天書照玉節顧瞻羨光榮豈知遠遊
子莫釋內顧情高堂有慈闈素領霜雪明忠孝不自謀
百年負深誠仰天嘿無言拊心但惻惻

錢塘

錢塘名都會山林多清妍層城填華屋巨棟相鈎連歌
吹日無虛笙簫間絲絃通達接廣陌車騎何喧闐我來

屬清秋况值昇平年遊觀邦人士日醉湖堤邊維茲盛
官僚地主多時賢喜予斯文契邂逅意亦虔名山古招
提扳遊列芳筵登臨誠雅懷王事靡敢愆萬里方此始
心旌日懸懸顧此簡書畏我行敢淹延

西湖

東南饒湖山開此佳麗境澄湖一萬頃倒影鏡光淨遠
山翠屏紆近山晚妝靚禪關鬱岩堯雲外發鍾磬畫船
如畫屋搖蕩波不定芙蓉明的歷魚鳥樂飛泳林祠與

岳墓瞻拜得所敬林祠竹梅疎
岳墓松栢勁緬思南渡
後文物亦云盛偷安湖山樂
氣勢遂不競國緒綴旒危
邊圉豺虎橫茲惟堪逸遊未
足擬形勝腐儒感興亡弔
古發孤詠酒酣促歸駕日落
烟水暝

虎跑寺

輶車任登登山徑繚而曲深邃
得蘭若傑構聳岩谷林
空號颼颼境僻走麋鹿寄迹
亦偶爾一住且信宿禪房
木榻淨石鼎妙香續跑泉虎
已逝清冽猶可掬煮茗試

酌之一洗腸胃俗蒼珉宛深刻坡翁有遺蹟詞翰兩絕
妙光彩照林麓平生丘壑情苦被王事促山僧念遠行
舉手向我祝是身浮雲然再至渺難卜匆匆出門去浩
蕩看鴻鵠

羅刹江

江風吹征衣扁舟渡空濶曙色漸開朗遠岫橫一抹悠
悠滄波去澹澹孤鳥沒中流擊簫鼓啞啞棹歌發夷猶
蕩漁艇舉網魚潑潑帆檣亂高下來去若超忽扣舷發

清嘯客懷頗軒豁一杯酌胥神弔爾忠義骨山川渺天涯未可計日達顧茲習暇豫瀟灑送日月無徒念前程坐使心慘怛

釣臺

發軔富春驛艤棹嚴陵灘緬懷隱士踪訪古登巉巖我釣臺高寂寂空江寒目曠塵襟開天遠浮雲間惟子東高節卓立超人寰紛紛仕進者視子莫敢班出處各有道要在義所安矯激非中庸汨沒斯貪頑王事有程

期寸心劇飛翰登舟渺回首烟水空漫漫

草萍驛

山行忽終日日落風颼颼蒼然暝色起原野烟光浮
依稀見村落兒童逐歸牛山徑叢竹深鳥雀聲啾啾
萬物已偃息我行良未休驛吏走倉皇再拜候道周
顧之前途為余指林丘入門華燈列山醪獻新筵空
堂耿無寐百感不自由惺惺待明發起坐聽更籌

東鄉縣

廿里忽一村十里忽一郵行行歷重山長途邈悠悠惟
茲鄉土異山田已微收村墟頗蕭條深林叫鉤輶况聞
多寇盜逢人肆虐劉茲邑實鼎建劫掠始得休陰雲黯
然至林木深已幽大雨忽滂沱泥塗滿行輶僕夫歎柴
扉請此盍少留咄嗟行路難悵然增煩憂

南昌

今秋氣候異九月猶炎蒸客行苦馳驅弭節南昌城茲
邦實巨鎮人事相頻仍招邀荷地主疎傭怯承迎思惟

庚辰變叛逆干天刑
兵戈苦騷屑殺戮何縱橫
我行經故墟鳴禽寂
無聲慘淡來悲風酒帶戰
血腥壯哉孫與許
英風凜猶生無由寄一尊
淚洒江濤清

漳墅

鎮

解纜發洪都風順五兩輕
烟波浩瀾漫極目如掌平
遙遙蕭灘驛望望臨江城
不知此何方但聞雞犬聲
梔檣密如櫛水際何縱橫
要津實四達商賈多所經
壯年遠遊賦浩蕩江湖情
向來守堂戶局促孤此生

螺川驛

江上晚來雨濛濛
濕秋光螺川屈重九
負此節序芳登高
若無緣回首思故鄉
粲粲籬下菊秋風為誰香
故鄉日已遠愁緒日已長
嶺海極天際前途杳茫茫
送僕從此回附書慰高堂
扁舟忽不見引領空徬徨

十八灘

一灘橫我前一灘落我後
巨石何礚礚拱向若迎候
大江日東馳勢若萬馬驟
崩奔聲喧飀欲與萬石鬪
初疑

坤輿翻又訝溟渤漏舟行稍弗戒頃刻不可救叮嚀篙師力默祈鬼神佑昔人訓垂堂入坎敢自咎

新城

南康南安之間居民築以禦盜

山行欲盡日得此原壤平樓櫓忽依然突兀橫孤城入門市肆列雞犬咸樂生費不藉公家版築以義成茲城昔未有盜賊時憑陵茲城既云建禦暴得所憑設險古有之要使良善寧修葺貴不廢無忘始經營千山橫紫翠夕陽映霞明前途尚未暮驅車且須行

梅嶺

雞鳴事晨征秣馬走長路輿夫雙足健峻巖若飛度梅
嶺不見梅翻訝傳載誤惟餘萬松樹天矯入雲霧駐節
張相祠瞻拜想風度谿訝古洞幽白猿不可呼平生說
茲山險遠驚寐寤茲來望家鄉忽忽慘情慄王事有驅
馳筋力疲世故白雲意何極慷慨歌陟岵

平浦驛

度嶺浪自悲登舟情更歡山川頗清曠少慰行路難浮

烟散孤嶼旭日生晴巒所喜瘴癘息寧計水溢乾自南雄無

水平浦路悠悠幾瀨復幾灘韶江計非遙漸聞水漫漫

開韶州江始深故人從何來是日會吳舜弼報政海外還附書不及

詳勿勿報平安

韶陽

凌江一超忽日覺眼界新莽蒼村落稀青山多白雲行

行過韶陽蠻語漸不真衣服中土異竹幘革可紉始見戴竹

帽皮暄然秋冬交氣候如深春人行青靄中烏啼榕樹

陰韶樂久不作

郡有韶石舜南
巡作樂于上

鳳鳥亦不聞弔古空躊

躡前山已斜曛

清溪驛

接浙復接浙王事靡敢稽朝方辭赤水暮已宿清溪扁
舟順流下驟馬猶自遲雙槳劈浪花歡呼喜舟師亂灘
不識名巨石紛差差輕風助微瀾瞥過忽不知迢遞萬
里道客子多憂疑前途盡如然我行豈無涯

飛來寺

羣山何糾紛遠望若無路舟行兩崖濶得比梵刹古幽
深白雲居窈窕青蓮宇細徑縈絕巘軒楹勢飛翬深林
鎖寒烟時有猿嘯侶地勝欣所逢仰睇久凝竚登陟若
未暇畧已得其趣須臾轉前山回首不知處

麻墟水

沅沅江波濶黯黯毒霧吐舟行麻墟口川原見深阻疊
嶂千萬重賊穴難比數西或連閩蜀東應接吳楚居民
與商舶劫掠莫敢禦無人向誰何況敢索征賦我來值

零雨寂寂無所覩
竚立空嗟咨
此獨非王土

麟山驛

晨征聞曉猿
客子愁欲絕
淒風響枯葦
石壁掛缺月
古驛臨水涯
隱蔽山萬疊
麟山名空存
豺虎日噬嚙
嶺外

甫浹旬風景迴
爾別佩刀猶衣袵

自此以南無不佩刀者

疇能命

其掣懷土心
屢悲遠覽意
頗豁媿無濟
時術猶有紀
事

札

蒼梧

扁舟謝逆浪泊此梧江潯孤城倚山顛下瞰江水深茲
惟百粵衝重鎮當喉襟轅門肅軍威殺氣常蕭森重華
不可弔四野雲陰陰水井泉尚活火山光已沉夕霧兼
晨霏瘴厲方侵淫交南北半途行邁方自今極目天南
陲望望愁人心

鐵爐頂

舟行歷寒溪黯黯雲物暝昔聞鐵爐步今過鐵爐頂鐵
爐已無覩但見山水迴林木杳深黑巨石立鼎鼎百里

無炊烟山徑人跡屏頗聞舟人言日者屢傳警潛過崖
壑下僕從面目冷畏途真險艱嘿坐心怏怏

白馬堡

悠悠遠行邁道路日荆棘朝過白馬堡十二磯接跡羣
山極深阻孤鬼時跳擲不知開闢初何以憊阨塞累累
數十夫帶雨荷戈戢屯戍存空名緩急果何益我欲極
蒐薶盡使川谷滌恐此終不能回首長嘆息

相思洲

斷腸曾有峽漂神曾有灘如何此經行使我憂萬端江
濶風浪急逆上舟行艱况茲饒瘴癘雲水昏漫漶故鄉
渺何許身落千萬山不聞鄉土音惟見鳩舌蠻王事苦
未竣我行何時還感念少游語悵鬱不可刪

斷藤峽

灘東江水急一流忽旁分斷岸百尺餘儼若闢兩門人
言茲峽中水勢常崩奔我來值冬日水退露石根猺人
負深阻巢穴蜂螭屯前聞肆屠劫夫丞相信信峽旁少

行舟過者斂精魂惴惴畏其出誰能問其津昔年韓襄
毅曾茲建殊勛竭來幾何時江路復荆榛煌煌秉使節
旌旗耀江雲萬里吾目中犬豕何足云

潯州

畏途何崎嶇落日江水黃舉頭見潯州孤城倚高崗蕭
條市衢靜莽莽籬落荒山田廢不耕四野多豺狼邊臣
勞輯柔寇盜蔑紀綱感事增唏噓悄悄情內傷兩岸擊
刁斗竟夕嚴隄防喧聲不能寐起視明星光瞳瞳曉色

動山鳥鳴且翔揚舠復前征望望關山長

烏蠻灘

洪波積浩蕩巨石何崢嶸
猊虎相攫拏角立俱猙獰
雄為蛟龍翻洶作風雨聲
濺沫為陰霏白日生晦冥
造化亦何意創此險不平
誰觸巨靈怒倒捲天河傾
艱危客意阻摧頽壯心驚
伏波南有馬伏波廟有遺烈
吾行當乞靈

火烟驛

舟經火烟驛而不見烟火
火山園白日陰頽石立磊砢
河

流劇湍急激射如箭筈百大勞挽牽頓曳如鼃跛懸崖
巧砌疊仰視畏欲墮下有羅薜封上有雲霧鎖路險意
彌切覽勝亦云頗會當乘長風一鼓中流柁

白沙

扁舟凌洪濤日暮耳雙聾沙爭白如吳恩辭下月咸子

事吳將軍

參將吳宗來迎

邂逅尊酒設為言盜賊繁干戈日騷

屑當寧推轂勤聞外誰秉鉞哀哉此生民川谷日流血

遠信苦未真

是日得交南信

客子腸百結酒酣看吳鉤激烈雙

耳熱金柝喧兩崖畫角韻鳴咽酒散復別去空江浸明月

南寧

理楫雖云遠長途豈容盡山城忽前橫喜及朗寧郡人
烟頗稠集阡陌少荒頓雞豚雜喧囂竹木關清潤畏途
多險艱愁緒日苦困此邦庶樂土一笑破孤悶前征聞
有陸召僕屢顧問久陰忽新晴天意與百順脂車復秣
馬欲發待明暖

千龍寨

山徑一何惡一嶺復一溪初言舟行苦陸走更險巖晨
發千龍寨厓隕馬行遲偏側欲無路草深與人齊依稀
見村落竹屋多傾欹野人驚使節駭走如鹿麋陽春遍
海宇窮谷尚有遺飯匄告不悉句風長陰冬

忠州

連山橫巨鼇林木蒼烟重黃茆接天際一望不可窮忠
州暫弭節日落多淒風土酋服橐鞬執禮殊敬恭

知州
黃建

保郊迎
甚謹

地僻山徑惡使節古不通

自來上司無
行此路者

創行乃

自茲詫訝驚老翁涉厯豈宿分窮荒寄行踪平明登前途回首隔萬峯

太平

長原轉高崗徑路石磽确江流相迴環山勢亘綿絡入城人跡稀白晝閉寂寞公館草樹荒饑鳥下庭啄椎髻

女婦醜短袵赤雙脚

自此以南女
嬾衣飾盡然

扶攜趨朝墟白髮裹

青箬陸行多豺虎水行多鯢鰐慘慘客子情觸目風景

惡

屏巖

左江山多峭壁惟此獨峻

層崖何嶽崱下瞰江水立斬絕數百仞隱約蔽白日嵌
空猿猱居黝黑太古色若非鬼工鑿定是神斧劈江風
吹蕭蕭江水波蕩滴扁舟經其下人細如蟻虱壯遊茲
行最歷覽難具述睥睨氣屈蟠凌跨神爽逸村居不知
名旁有村風物更蕭瑟奇觀不有此何以慰悒鬱

銓勒驛

連山忽崖斷蕭條見村墟古驛但有名籬落同民居驛吏跪沙際顏色慘不舒自言為祿仕寄迹豺虎區乾坤有界限天角與地睽瘴癘日慘毒鬼妖日睢盱使事豈不榮客懷日憂虞經行我猶然為爾增鬱紆

龍州

莽莽輿地濶煌煌使星明我行歷山川南徼越萬程遠

人識天使

土官知州趙相

再拜江邊迎舍舟歷荒郊蕭蕭征馬

鳴旌旗何悠揚落日喧鼓鉦羣觀空里問雜沓兒童驚

乾坤極覆載絕域俱王氓旬宣古皇華淺薄媿弗勝
平生乏夢想中夜心靡寧神京望不極矯首瞻青冥

發龍州

交南有事不果入

猶豫識每閭差池意徒勤災荒一弭節忽忽越兩旬交
南已在即望望隔片雲天意限夷邦無緣被皇仁翩翩
返皇華言歸復茲晨重來或無期欲去還逡巡行役豈
不勞中止非我心使職自無狀仰首慚蒼旻

發蒼梧

悠悠客心驚冉冉歲華易春風吹天涯百草淒已碧長
江無勁鱗遠漢有倦翼萬里今此歸慰喜動顏色樓船
沸簫鼓東道勞祖席持杯心已慵解纜翻不憚睠焉念
初至有友生死隔崇禮先十七日卒鳥鳴喚其侶獸鳴求其匹
同來不同返惻愴涕沾臆

過梅嶺

歸途忽何鄉絕巘弭飛蓋梅關茲復登浩蕩豁眼界峯
巒出奇姿竹木露新態景物非有增自與人意會山僧

設茗供顧我喜健在瘴地已脫迹頗覺肝膽快鄉心逐
歸雲逸興軼塵壒矯首望故廬目極飛鳥外

贛江

昔從此路去今從此路回轉眼花石潭已失章貢臺
天公與便風知我久客懷船頭飛浪花噴激如瓊瑰江水
淨如洗征衣絕纖埃惟有方寸富萬壑并千崖曠然心
神超笑口天與開嶺表夢寐中回首何悠哉


桐江

桐江水清駛送我仙槎還好山過無數再見嚴陵灘山
中羊裘翁笑我歷險艱試汲中流清一洗瘴癘顏春風
曉來急苔磯雨斑斑舟行為滯留天意故少慳故園喜
漸通春事將闌珊且作看山行滯留非所歎

抵家

春風蕩白日晨鵲噪庭樹遊子嶺表歸歡笑喜僕御我
行昔中秋丹楓落江渚歸來易歲華冉冉柳飛絮顏色
漸老蒼急景不少駐人生苦難保骨肉喜歡聚上堂拜

慈親入室撫嬰孺浮榮何足言一笑解百慮



文簡集卷十三

欽定四庫全書

集部
文簡集卷十四
五

詳校官中書_臣葉元符

中書_臣劉源溥覆勘

總校官原任中允_臣王燕緒

校對官修撰_臣戴衢亨

謄錄監生_臣張鴻恕

欽定四庫全書

文簡集卷十四

明 孫承恩 撰

五言古詩

東歸潞河舟中詠懷

朔風屆寒候，凍日照行色。
遊子還故鄉，雲鴻整歸翼。
低回多慨歎，寂寞尠懽懌。
還鄉豈不樂，撫事感今昔。
前年使南荒，瘴厲憂病疾。
今年走燕薊，風霜忍寒栗。
飄飄

萍蓬踪萬里天南北勞生苦馳驅豈得頭不白行行出
都門悄悄抱悽惻顧瞻五雲闕萬感交併集上懷聖明
主端拱在密勿憶昔臨御初臣忝侍從職草茅兩封章
海嶽効壤滴三年遠江湖心在斧宸側所憂萬幾煩無
乃近缺失一陰當六陽萌蘖已消匿日中不恒居漸次
見虧昃邇來時事新臣也所目擊吁嗟是非辨要在慎
決擇嵯峨九天高無路達忠赤諫諍力匪任悲嘆腕空
搥況今邊陲警日夜馳羽檄遐疆盛戎馬近甸暗長戟

惟茲當嚴冬殺氣浩充斥邊軍久疲弊何能冒鋒鏑矧
是國計虛困廩虧儲積頗聞兵家要當先足芻食士飽
躍而嬉馬飽騰于櫪似茲寡預備何以支勁敵吾皇念
元元當宁頻嘆息推轂遣重臣急若拯焚溺廟堂坐諸
老精白心一德豈無濟時略為國建長策惟爾衆列侯
金玉爛輝赫時平竊恩榮光寵被臧獲無亦勉所圖少
竭報稱力詎應但安享徒耳氣盈溢乾坤際多事臣子
致命日惜也臣不武莫與荷殳殽空懷漆室憂竊抱杞

人惑況今遠彤庭山川苦違隔以茲懷區區憂慮何能
釋同袍數君子意氣雅莫逆顧我多慰藉餞送城東陌
攄懷正諧洽分袂還倉卒共言厚自愛復道長相憶嗟
予乏曠懷當事易感激念此友朋誼怵怵轉憂慙古言
同心交燕越猶一室歲寒苟弗爽何必勤面覲落日策
蹇驢遠水浮畫鷁迢迢越川陸歷歷過都邑旅情轉蕭
條鄉思頗增劇故園三泖上望望未能即吾園頗宜人
地迥自幽寂逶迤接郊坰蕭森帶泉石虛齋足偃仰平

隴可登陟鳴鳥聲上下野竹蔭蒙密竹吾甚愛之昔
也手親植老梅臨水涯疎影斜更直素葩抱幽香含笑
待人索嗟予幽遁志中歲遂成癖且當息塵囂聊適疎
懶迹董帷猶可下顏樂終靡易鳴琴白日靜讀易清夜
閒野老容問字漁父許分席玄化杳難知世事靡終極
天傾五嶽峙我亦空憾憾乾坤莽浩蕩歲月不再得惟
慙百年內碌碌靡稱述明明日月光照我巾與舄盈虛
頗測究義利亦分析樂天惟聖優乘運乃達識稽首義

皇占履二保貞吉

草堂成漫述

小園理榛穢經始構此堂幽深既臨溪軒敞復面陽土
木之巨麗規制亦頗良八窓開虛明炎暑生清涼庭前
數松樹屋後千簣簪了無紅塵侵似覺白日長我性本
曠寂遠謝名利縉况茲幽居成自喜素心償臨風倚曲
檻待月移方牀既以哦詩書亦可款壺觴鯢鵬搏扶搖
蜩鷺搶榆枋為適各不同吾茲感蒙莊

星變

五夜天無雲列宿繁以張仰見東北隅恠事發異常一
星光煜煜芒吐數尺長上掃天心中斗柄爭低昂河漢
影清淺月色黯無光衆星漸稀疎獨與太白當吾聞天
垂象感召非杳茫厯考往牒中為訓亦昭彰仰惟吾聖
君秉心契陶唐夙夜勤萬幾四海異時康災變亦何為
此理誰能詳三歲三見之簡冊所未嘗草茅杞人憂時
時熱衷腸巫咸不可問天道信詎量矯首睇玄穹俛默

心徬徨

擬古二十七首

季冬耿長夜朔風振喬林幽齋不能寐起坐發哀吟美人曠千古遺我金玉音褰裳邈無從悵望空勞心

又

有鳥白鷺鷥來自東海潯雖無文采爛潔白羽毛新飛飛集神州琅然揚清音威鳳儀朝陽和鳴叶韶琴日短羽翼單天濶雲霧深鳳鳥苦不省鷓鴣將見侵四顧羈

旅孤愴惻反哺心會當乘便風復歸故山林

又

我有一良劍傳是古鏌鋁自信靡文飾埋沒溷泥沙慘
淡無晶光斑剝生鐵花世人亦有寶詡詡各自誇磨淬
明白雪本質固無加百金飾劍首金珠燦星霞一朝售
之市傳觀共稱佳我劍亦在側唾手爭喧譁好惡莫容
辨撫之自咨嗟什襲始有待終必遇張華

又

上天示鑑戒災異何頻仍奏報四方至聖心靡安寧疇
咨諸臣工渙汗揚大庭陳言裨缺違治道期一更北斗
酌元氣訐謨運權衡皇華走星輶恩波逮蒼生於惟吾
皇聖格天以勤誠豈惟彌災變三五行可升

又

天於西北虧地於東南傾煉石補缺漏蹴山塞重溟洪
河稽天流象罔紛縱橫赤手障頽波萬古焉能成漆室
有隱憂非嘯隣婦驚其力誠何施其志良可矜

又

今日忽不樂，駕言出遨遊。
遨遊亦何之，迤邐登崇丘。
累累有孤墳，傳是古王侯。
野人不記省，時來牧羊牛。
長夜既寂寂，泉臺永幽幽。
不論貴與賤，寧識賢與不。
人事有代謝，榮華逝難留。
感彼牛山言，使我涕泗流。

又

邊隅近殺氣，昴星燭天明。
長矢射漢月，牧馬川原腥。
揮霍風雨急，劫掠鷄犬驚。
黑雲壓孤壘，哭聲殞三軍。
羽書

日夜馳震動咸陽京天子按劍怒含悽愍蒼生徵調選
材勇授鉞思豪英制敵在素豫得人壯長城安得百頗
牧坐使邊塵清

又

少年不識事負志殊慨慷陋小宇宙內思欲超八荒舉
身登日觀縱目臨扶桑兩手擎日月照耀無邊方天道
有隱幽世途有更張羣居慙喻喻獨行媿涼涼文豹亦
霧隱神龍亦淵藏蹇予將奈何聊以永徜徉

又

金風振肅殺原野草木黃畋獵方及辰命侶百夫行麗
服多妍姿駿馬如龍驤拓弓作滿月鳴鏑飛秋霜飛騰
如猿猱捷下千仞岡飛馳與電逝矯捷莫可當耳後生
風聲鼻尖出火光俯身殪羶羶仰首射欃槍妖狐無遁
跡狡兔無留藏田獵何足言聊爾猛氣張

又

淳風日澆喪世道江河流傾危售奸欺笑談隱戈矛得

時鼠為虎失勢鷹成鳩秦越可骨肉父子堪仇讐天道
既漠漠人事良悠悠誰能挽滄溟一洗生民羞

又

美人生南國佩服何芳菲采芝既盈纈攬蕙復充幃慙
遺夫君悵歎將有為人心靡諒止衆女讒蛾眉明明
仰先哲載籍有光輝吾義固匪愆後世定是非惟彼古
道湮使我徒傷悲

又

知人良不易毀譽多譟張人心殊愛憎衆口異雌黃叔
孫短仲尼軻謗由臧倉歐朱若人言君子為豺狼皎皎
明月珠污泥閔其光蘭蕙豈不馥斬刈焉得芳世事每
錯亂顛倒迷四方棄置莫重陳重陳人心傷

又

孔翠耀文彩雕籠苦長羈冥鴻翔雲端弋者空慕思跼
踏牛絡錦容與龜曳泥洛下歎陸生東門悲李斯無利
害豈及無榮辱焉施乃知沮溺流未可輕瑕疵

又

幽居悄長夜孤吟步中庭澄澄天宇靜金波淡微明衆
星何厯厯八九羅縱橫仰首望星月低頭念平生星月
豈不光無緣表忠誠四顧將何依黯然獨傷情

又

莽莽宇宙間人物何瑣屑志士欲自見慷慨負奇節握
瑾懷蘭荃冰霜凜孤潔造物忌皎皎萬事成瓦裂世若
無公言憤懣當泣血

又

萬事等芻狗所貴惟此身六鑿相披攘汨沒喪天真人
生非金石今古一旦昏朱顏不禁秋颯然變埃塵古來
賢豪士用世多苦辛身後竟如何漫有空名存空名載
方冊逝者寧復聞徒令雌黃徒顛倒播喉唇飄搖廣成
子脫屣離垢氛乘雲駕飛龍萬古誰能馴

又

我思避世士乃在匡山陬身與浮雲閒心與造物遊躬

耕豈不勞田野日休休有酒且孤斟得句還自謳黃鵠
舉千仞萬事同一漚孤懷信高騫清風邈難傳望之不
可及使我中心憂

又

我昔登岱嶽仗劍叩天關振衣翔千仞日月如可攀縹
緲雲霧低颿爽天風寒俯首視九州塵世何漫漫相逢
王子晉綠髮芙蓉顏授我紫霞篇飫我絳雪丹招邀入
太清陟降三神山後天永長存獨立超人寰決擇苦不

勇欲去更盤桓塵土汨沒人萬事成波瀾悔恨無由追
撫膺但長嘆

又

鄙夫貪幸得志士無苟安義禮凜大防毛髮誰能干介
石不終日洪流激奔湍磊落開心胸自擬白日看交遊
亦滿眼知己良獨難願言推子心為我照肺肝

又

漆園有傲吏放言恣汪洋八荒為庭隅天地為蓋藏大

小等鵬鷃修短齊彭殤雖非中庸道理亦各有當鷓鴣
矜腐鼠木灾怨青黃彼其視萬鍾何啻一牝糠英英威
鳳騫矯矯神龍驤其人如可作吾當為褰裳

又

我有百鍊銅鑄為盤龍鏡製擬軒轅古色作寒水瑩外
可毛髮鑑內可心膽靜持之遺靈脩期使萬象正胡為
衆妙興詆詬乃交併人心豈真昧物價諒有定千秋在
世間誰能掩光顯

又

幽齋耿枯坐省心一爐香四十七年非往事空茫茫我
有綠綺琴轉絃調清商心緒紛如絲掩抑不成章翩翩
南來鴈嗷嗷雲外翔為予吐哀音黯黯增離傷我有素
心人遠在天一方安得與俱來執手語衷腸

又

幽人志林泉軒冕非夙慕軒冕豈不榮寒薄寡所賦鷹
隼繫絛籠側目雲霄路野馬駕華軒畢竟非故步一語

辱監子拂袖悔其悞張子有嘉言碧山不予負

又

禍福相糾繆理數乃雜操從來宇宙間萬事何不有天
道杳莫窺玄機默而黜弔者在衢路賀者在戶牖想當
造物時任情屈身肘盛衰本無常稱意詎能久昨日東
陵侯今朝種瓜叟

又

白雲出深谷團團似車蓋誰云本無心為雨澤枯塊飄

風從何來吹落九州外依依不成雨負此色靈霽出處
寧固必舒卷乃無碍且復歸舊山氤氲鎮常在

又

嗟吁寡聞道當事力靡勝坐無涵養功憂樂苦纏縈時
當拂逆來淺中每怵怵雖無得失較不免寵辱驚有客
歎我堂慰言極慇誠上探元化理中述聖哲情謂予子
有得悄悄疑未平謂予子無得諒予子心地清丈夫志遠
猷雅量包滄溟公論定身後瑣瑣焉足爭我起拜謝客

如醉寐得醒一洗芥帶胸烈日消春水佩服金玉言優
游畢餘生

又

我有五畝宅迢迢東海隅有屋盈百椽有芋亦數區曲
欄接芳榭脩竹俯清渠過門無俗賓接席皆文儒別來
歲星周惆悵恒鬱紆豈惟負風月猿鶴皆怨吁白雲何
英英招邀與之俱誓將返吾轅歸讀先人書達人委元
化出處無定拘命運既已然徘徊將何如

翰林院敬一亭落成恭和御製

宸章麗貞刻翼寵見茲堂吾皇熙聖學文理何密詳天
德穆而純無少嗜好妨大哉敬一功勲華卓相望乾坤
際熙皞一德屬明良甄陶仰聖謨報稱當無忘

兩松

兩松誰移來眼底生突兀故人知我意惠與百金值其
高餘二尋其蔭可數席根柯大如盎謂是兩世物當其
初移時至費百夫力舁載勞車舟經從破垣壁我初疑

其艱不任遷徙厄培根致其深壅土致其密其上維長
綆其下鎮巨石適來當炎熇高架障赤日園丁苦奔命
灌溉靡敢佚初時逮今茲蓂莢亦屢易天澤與人為併
至兩無失生意微發舒濯濯吐嫩碧已見抽新芽相將
結佳實幽勝增草堂磊落壓羣植浮生靡長世貞幹乃
閱歷詎知百年後誰主亦誰客大觀眇宇宙玄悟等空
色因歌兩松詩一笑聊自釋

使郢過比干祠

孤墳鬱嵯峨屹立古道右危祠亦虛敞綽楔出疎柳使
節偶經過一步一稽首仰瞻義烈姿千載尚不朽憶當
商季時忠佞雜紛揉君道固匪臧臣職甘就剖雖無心
七竅實有血三斗皇天表忠赤並示百代後茲墳不數
仞蒿華等高厚畜君義何尤戮諫邦必覆古訓炳日星
芳名垂宇宙

襄陽七懷

襄陽為自古要地撫遺蹟弔往事有懷七人

馬因各賦詩一首

諸葛武侯

堂堂諸葛公道本伊呂匹方其未遇時龍卧泯淵嘿一朝感時奮變化乃莫測恢復信本志為漢誓討賊大義凜照揭乾坤為開闢指揮動風雲忠誠貫金石生三代後聞見漸卑溺公也真天人正氣泰華敵昇平禮樂具搶攘兵革日抱負鬱未施永為後人惜公神在天壤萬古終不沒再歌出師表斂衽三嘆息

龐德公

龐公大隱流世利迴莫干身如野鶴矯心與浮雲閒刺
史不能致候謁隴畝間夫耕妻出饁相對嘗怡顏富貴
得幾何憂患來無端善哉至人訓遺子獨以安鹿門何
高高遂志終盤桓避世深復深採藥遂不還惟有遺跡存
高風照人寰

羊太傅

太傅古遺愛德義孚遠邇宣有儒者風不作狙詐計張

皇師旅間裘帶自容與敵國感其惠何止挾纊士聖賢
有不為不以天下利不殺一不辜不行一不義推公心
所存或也其可企公績多漢沔愛戴極翁稚公卒邦人
悲走哭空里市峴山日巉巖漢水日瀾瀾思公不可作
反袂拭清涕

杜工部

少陵詩之聖渾渾元氣通尚論制作盛盡善如周公胸
藏五車書筆掃千軍雄輝煌三禮賦曾獻明光宮平生

用世志自許稷契同摧頽值時難坎軻悲途窮兵戈苦
騷屑黃屋當塵蒙崎嶇走行在饑寒迫其躬操觚賦時
事宇宙歸牢籠勤拳社稷慮懇惻生民恫凜凜忠毅色
烈日明秋空上可繼風雅下應陋雕蟲一時旅人迹萬
古詩壇宗九原倘可作執鞭吾當從

李翰林

白也真天才變化如神虬生平恥龔齷邁往隘九州詞
林昔供奉天子寵渥優一朝被讒構斥遠金殿頭高情

與逸思芥帶弗少留供奉非公榮夜郎非公憂詩筆驅
萬象醉眼輕王侯晞髮扶桑巔濯足滄海流今古等一
瞬天地同一漚以茲昔人言謂公似莊周公去幾閱世
公名重千秋誰云公則亡神爽八極遊蓬壺隔弱水浩
蕩不可求緬懷舊行踪使我心悠悠

孟浩然

浩然亦高人神思乃清朗讀書陋拘牽制行喜疎曠賦
詩妙天趣力索不可仿冲融大雅音金石振遺響禁中

遇天子召對心所向終焉意不合歸哉南山放唐詩盛
千古公也李杜行布衣一時窮高譽後人仰我來經故
里慨矣勞緬想鹿門當時月依依漢江上

張順

附張貴

襄陽昔受困敵騎何憑凌矯矯二烈士提兵援孤城雪
涕奮雄劍悲風起冥冥赤手蹈虎穴義氣孰敢撓輕舟
駕巨濤江水為奔騰轉戰前無當勢若可橫行惜哉天
亡宋其功竟無成一時雙玉節皎皎照日星我來尋故

壘黯慘愁雲凝草木為號呼猶似戰伐聲英魂凜赫赫
萬古常如生

題大司空鶴山李公完名卷

造物靳全名君子慎晚節顛冥利欲途出處多玷缺我
觀鶴山翁行志亦已決當其直道時奸黨共媒孽矯矯
節乃見知幾保明哲其於視爵祿何啻吹一呷皇心憫
忠直天語極諄切完名兩大字星日共昭揭雲卧閱寒
暑甘心採薇薇徵書復來朝八座揚茂烈極知高世志

夢想故山月我懷仲山父茲義久斷絕俯仰千古情臨
風且嘯囁

悲萱永懷挽鄭秋官母

北堂有萱草郁郁呈華滋西風動地至一夕吹殞之荼
毒遊子懷眼枯淚成血烏啼白露零中夜腸斷絕淒涼
舊縫在零落機杼寒宜無牲鼎祭不及生前懽河水向
東逝滔滔無休息此心明月如達旦不改魄水亦有盡
處月亦有虧時思親復思親一念無終期

和陶靖節止酒

陶翁詩止酒而實未嘗止反覆筆舌端沿襲答和裏微
酣見真性沉醺匪君子欲止意固佳初念亦可喜愁止
懼不來吟止興不起無量不及亂斯則有妙理立言思
久暫作戒度人已十詩酒八九浪說真止矣此物為世
用廣博靡涯涘細數莫具陳大者脩禋祀

村居小景圖

迤邐山麓盡宛然見民居周圍自成村編籬植桑榆鄰

比數十家樂生各愉愉老翁四五人霜雪為鬚眉一翁
攜稚子簷牙步徐徐一翁偕一媪偶坐自為娛一嬾上
堂來甘旨供舅姑一翁杖畦間課僕勤蓄畬一翁立當
壚有童執瓶沽一翁坐當席課諸童子書一媪并一婦
浣濯衣與裾一嬾抱兒行在手復有攜一嬾抱兒立惜
弄若掌珠一夫睨其側笑視懽有餘一犬走吠人一犬
卧當閭牛當樹陰息牧童坐風雪羊豕食而嘻鷄鶩相
喧呼村有古朴風似是朱陳餘應黠盜賊警言抑復無征

誅感此不易得想像增嗟吁

避寇移居入城

杜甫昔逃難年始屆五十而乃自云哀奔走病纏骨我已七旬四健步豈如昔而亦嬰禍患倉皇事潛匿我以二品歸豈甫坐貧戚甫寓秦蜀地萬里苦行役我不離鄉井止有城垣隔惟思骨肉親不免抱於悵况當遠先祠回首淚沾臆仰叩天茫茫主宰祈監識

遷居述懷

元亮昔徙宅欲就素心人少陵善隣翁飲酒契誼真我
今來此居非為卜其宅乾坤遘灾屯海寇肆鋒鏑焚劫
遍村墟殺人亂如蓬我既衰且病日處憂虞中繆為國
大僚乞休恬晚歲可以不貲身乃為盜賊斃以茲挈妻
孥造次來城居城中土地貴尺地寸金如避難且淡薄
而敢志寬美幸有此虛齋猶堪便寢睡床頭一編書長
日聊自娛薰風自南來恍似遊華胥風塵尚簸蕩人心
尚憂惕城守無須吏刁斗勤旦夕而我以老憊獨適心

靡寧何當洗干戈四海歌清平

文簡集卷十四